

Commissarium eligi.

Præstantem, quæ cum persona, seu personis ad hunc effectum a Principatu prædicto deputata, seu deputatis, vel deputanda, seu deputandis conveniat, ipsasque differentias amicabiliter concordari curet, deputare decreverimus; Idcirco de fide, doctrina, & in rebus agendis solertia, & integritate tua plurimum in Domino confisi, Te, qui etiam dilecti filii nostri Camilli S. Mariæ in Domnica Diaconi Cardinalis Pamphili nuncupati nostri secundum carnem ex fratre germano nepotis, ac in nostris Civitate Avenionen. & Comitatu prædicto Venassino in spiritualibus, & temporalibus Vicarii Generalis, necnon in illis, ac in Viennen. Arclaten. Ebredunen. Aquen. & Narbonen. Provinciis, ac illis adjacentibus Civitatibus, Terris, & locis nostris, & Sedis Apostolicæ de latere Legati, Vice-legatus existis, in nostrum, & Sedis prædictæ ad præmissa peragenda Commissarium, ut in rem præsentem te conferas cum facultate, & auctoritate omnia, & singula, quæ ad hujusmodi differentia amicabiliter concordandas pro ejusdem Sedis honore, & prædicti Comitatus nostri, disique Principatus communi quiete, & commodo expedire cognoveris facien. geren., & exequen., necnon terminos inter Comitatus, & Principatus hujusmodi in locis a te, & deputato, seu deputatis, aut deputando, vel deputandis ab eodem Principatu declarandis, designandi, & constituendi, necnon unum, seu plures Commissarium, seu Commissarios ad præmissa, seu eorum aliqua cum prædicta, seu limitata facultate, toties quoties opus erit substituendi, & subdelegandi auctoritate Apostolica tenore præsentium constituimus, & deputamus, ac tibi pro præmissis tractandis, & consuecendis Jus, & auctoritatem necessariam, & quomodolibet opportunam per præsentem concedimus, tribuimus, & impertimur, & quid quid per te, seu a te substituendis, vel delegandis cum persona, seu personis a dicto Principatu, ut præfertur, deputata, vel deputatis, ac deputanda, seu deputandis circa præmissa concorditer actum, gestumque fuerit ratum, & gratum Nos habituros decernimus. In contrarium facientibus non obstantibus quibuscumque.

Contraria tolli.  
Dat. die 7.  
Dec. 1646.  
Anno III.

Datum Romæ apud S. Mariam Majorum, sub Annulo Piscatoris die 7. Decembris 1646. Pontificatus nostri Anno III.

LXXIII.  
Facultas, & Privilegia concessa suis Cappelle Pontificæ Cappellanis.

INNOCENTIUS PAPA X.  
Ad perpetuam rei memoriam.

Causa Const.

G Rata familiaritatis obsequia, quæ dilecti filii Alexander Brunacchius Civitatis Castellane, Horatius Bovius Ferentinæ, Franciscus Antonius Porticella, in Sacra Theologia Magister Berensis, Seba-

stianus Francus Juris utriusque Doctor Anagninae, Joannes Dominicus de Rubeis Juris utriusque Doctor Materantis, & Joannes Antonius Barnabeus Perusinae Civitatum, seu Diocesum respective Presbyteri, moderni Cappella nostræ Pontificæ Cappellani Familiares nostri Nobis, & Apostolicæ Sedi hætenus impenderunt, & adhuc sollicitis studiis impendere non desistunt, necnon vitæ, ac morum honestas, aliaque laudabilia probitatis, & virtutum merita, quibus eorum personas tam familiari experientia, quam etiam fide dignorum testimoniis juvari percepimus Nos inducunt, ut illis reddamur ad gratiam liberales.

Capellanos pontificis a quacumque cura liberat.

§.1. Hinc est, quod Nos volentes illos specialibus favoribus, & gratiis prosequi, eosque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum harum serie absolventes, & absolutos fore censentes.

Privilegia eisdem concessa nunciantur.

§.2. Motu proprio, non ad prædictorum Alexandri, Horatii, Francisci Antonii, Sebastiani, Joannis Dominici, ac Joannis Antonii, vel alicujus ipsorum, aut aliorum pro eis Nobis super hoc oblate petitionis instantiam, sed de mera nostra deliberatione, ac certa scientia, Apostolica auctoritate, tenore præsentium Alexandrum, Horatium, Franciscum Antonium, Sebastianum, Joannem Dominicum, & Joannem Antonium prædictos, & illorum singulos in nostros, & Apostolicæ Sedis Notarios recipimus, ac Sacri Palatii, & Aula Lateranensis Comites, sine tamen dilectorum filiorum Notariorum de numero participantium præjudicio; necnon Nobiles Romanos, & Urbis Romæ, omniumque, & singularum aliarum Civitatum, Terrarum, & Locorum Sanctæ Romanæ Ecclesiæ mediate, vel immediate subditorum Cives creamus, & constituimus, ac in numerum, & consortium aliorum nostrorum, & ejusdem Sedis Notariorum, necnon Palatii, & Aula Comitum, ac Nobilium Romanorum, aliorumque Civium Civitatum, & Oppidorum prædictorum referimus, & conscribimus, ipsique etiamsi habitum, & Rocchettum. Notariorum dictæ Sedis juxta Decretum Lateranensis Concilii novissime celebrati non deferant, aut Civitates hujusmodi non incoluerint, nec unquam in eisdem Civitatibus domicilium habuerint, ut omnibus, & quibuscumque privilegiis, facultatibus, exemptionibus, immunitatibus, libertatibus, favoribus, gratiis, & indultis, quibus cæteri omnes Notarii nostri etiam de numero participantium, necnon Comites, & Nobiles, ac Cives originarii, etiam in Dignitatibus, beneficiorum ecclesiasticorum, & secularium, etiam ex personis Romanorum originariorum vacantium affectione, & exercitio, tam in Urbe, quam Ci-

Jus civium in quacumque urbe eisdem tradit.

Quod possint retinere officia quoad vixent.

Beneficiorum poterunt percipere, sicut personal. non resident.

Civitatis prædictis, ac aliis ubique locorum, & gentium, nec non sessionem, & Conventum uruntur, potiuntur, & gaudent, ac uti, potiri, & gaudere poterunt quomodolibet in futurum, non solum ad illorum instar, sed pariformiter, & æque principaliter, ac si privilegia, facultates, exemptiones, gratiæ, & indulta pro ipsis emanassent (citra tamen exemptiones a Concilio Tridentino sublatas, itaut ne dum quoad criminalia, sed etiam quoad civilia subiaceant Ordinariis, ac circa facultates legitimandi, ad gradus promovendi, ac Notarios, seu Tabelliones creandi, aliaque hujusmodi privilegia a Notariis Sedis Apostolicæ, & Comitibus Palatinis præsentia, ut illis supranominati Cappellani familiares nostri nullibi uti valeant, ac irritum, & inane existat, si secus super his a quoquam quavis auctoritate scienter, vel ignoranter contigerit attentari) uti, potiri, & gaudere, ac in omnibus, & singulis Apostolicis, aliisque literis, instrumentis, & scripturis publicis, & privatis deinceps eorum nomine consuecendis sese Notarios Comites, & Nobiles, ac de nobili genere ex utroque parente creatos.

§.3. Necnon Romanos, & aliarum Civitatum Cives, ut libuerit, inscribere, & se illis subscribere valeant, ac pro veris, & non fictis Notariis, Comitibus, & Nobilibus, ac Civibus habeantur, nihilque qualecumque illud fuerit cum iis expressionibus, subreptitium, obreptitium, aut invalidum, sed illud idem efficax in omnibus, & per omnia censetur.

§.4. Ad hæc, cum eisdem, ut quacumque duo dissimilia, vel simplicia similia, sub singulis tribus testibus quorumcumque trium Cathedralium, etiam Metropolitanarum, aut aliarum Ecclesiarum constitentia, etiamsi unum ex illis omnibus cum cura, aut dignitate etiam major, & principalis canonicatus, & præbenda, personatus, administratio, vel officium fuerit, & ad dignitatem, personatum, administrationem, vel officium hujusmodi confueverit quis per electionem assumi, eique cura etiam jurisdictionalis imminet animarum, si eis alias canonicè conferantur, aut eligantur, præsententur, vel alias assumantur ad illa, & instituantur in eis, recipere, & dummodo illa omnia, uno excepto, personalem residentiam non requirant, insimul quoad vixerint retinere.

§.5. Necnon etiam quandiu Nobis inservierint tantum in beneficiis Ecclesiasticis, non tamen Parochialibus, vel curam animarum Parochianorum habentibus per eos pro tempore obtentis, etiam de jure, statuto, fundatione, vel privilegio personalem residentiam requirentibus, etiamsi Dignitates in Metropolitanis, vel Cathedralibus majores, & in Collegiatis Ecclesiis hujusmodi principales fuerint, personam residentem non teneantur, nec ad id per locorum Ordinarios, seu Ecclesiarum eorundem Capitula, aut quosvis alios ad residendum interim in illis invitati compell-

li possint, omnesque, & singulos illorum beneficiorum obtentorum fructus, & redditus durante servitio prædicto cum ea integritate (distributionibus quotidianis dumtaxat exceptis) cum qua illos perciperent, si in eisdem Ecclesiis, sive locis personam residentem, percipere, exigere, & levare, provisò tamen per eos, ut onera eisdem dignitatibus, & beneficiis quovis modo incumbentia congrue supportentur.

Alia privilegia quibus sui poterunt.

§.6. Necnon etiamsi Presbyteri fuerint, ac dignitates, & officia obtinuerint, legere, ut jura civilia etiam publice in Scholis, & Universitatibus Studiorum generalium ad quinquennium dumtaxat, dummodo eisdem trigessimam ætatis annum non exceperint, audire, ac si habiles, & sufficientes reperti fuerint, etiam ad Doctoratus gradum in hujusmodi facultate se promoveri facere, ipsaque jura, etiam publice docere, atque iudicis, Advocati, & Procuratoris officium in causis ecclesiasticis, & civilibus tantum exercere libere, & licite possint, & valeant, de specialis dono gratiæ dispensamus.

Poenam aliquorum delictorum pro Capellanis irritat.

§.7. Liceat quoque ipsis, ac eorum singulis aliquem idoneum, & ab Ordinario loci approbatum Presbyterum secularem, vel cujusvis Ordinis regularem in suam eligere Confessorem, qui ita eis comite, eos, & ipsorum singulos, a quibusvis excommunicationis sententiis, censuris, & poenis a jure, vel ab homine quavis occasione, vel causa latis, & per eos incuris, & quibus ipsos pro tempore illaqueari contigerit, etiamsi absolutio ad Nos, & Successores nostros Romanos Pontifices pro tempore existentes specialiter, vel generaliter reservata existat, ac in quorumcumque veterum, & Ecclesiæ præceptorum transgressionibus, homicidii casualis, manuum violentarum in quavis personas etiam Ecclesiasticas (non tamen Episcopos, vel alios Superiores Prælatos) de præterito injectionibus, seu consilii, vel favoris ad id præstationibus, jejuniorum omissionibus (non tamen recitationis horarum Canonicarum, aliorumque divinarum officiorum) ac denique ab omnibus, & quibuscumque aliis eorum peccatis, criminibus, excessibus, & delictis quantumcumque gravibus, & enormibus, etiam talibus propter quæ Sedes prædicta merito consulenda foret, videlicet contentis in Literis die Coenæ Domini publicari consuecitis, semel tantum in vita, & mortis articulo, in reliquis vero dictæ Sedi quomodolibet reservatis, aliisque quibusvis casibus semel in anno, confessionibus illorum diligenter auditis, sine tamen alicujus præjudicio, prædicta auctoritate Apostolica absolvere, ac illis pro commissis poenitentiam pro modo culpæ injungere salutarem.

Votorum commutatio.

§.8. Necnon vota quacumque (ultramarino, visitationis liminum Beatorum Apostolorum Petri, & Pauli, Castitatisque, & Religionis votis dumtaxat exceptis) in alia pietatis opera commutare.



§.9. Ac etiam eisdem, eorumque singulis, ut quicumque Locorum Ordinarii, vel Canonici Metropolitanorum, seu aliarum Cathedralium Ecclesiarum, aut personarum in dignitate Ecclesiastica constituta, tam in dicta Curia, quam extra eam, etiam ad id per eos, aut eorum singulos coram Notario, & testibus fide dignis eligendi, seu eligenda, quascumque pensiones annuas eis, & eorum singulis super Mensarum Abbatialium, seu Episcopallium, aut Archiepiscopallium, & quorumcumque aliorum beneficiorum Ecclesiasticorum, cum cura, & sine cura secularium, & quorumvis Ordinum Regularium, etiam Sancti Joannis Hierosolymitani, quomodocumque, & qualitercumque qualificatorum fructibus, redditibus, proventibus, juribus, obventionibus, & distributionibus etiam quotidianis, seu illarum loco fructus, proventus, jura, obventiones, distributiones, & emolumenta sibi nunc, & pro tempore assignata, & reservata quomodocumque, simul, vel successively, in toto, vel in parte, usque ad summam centum ducatorum auri de Camera, de eorundem Cappellanorum, vel cujuslibet ipsorum consensu, in toto, vel in parte, etiam in mortis articulo cassare, & extinguere, ac postquam cassata, & extincta fuerint, alias similes pensiones annuas super fructibus, redditibus, proventibus, juribus, obventionibus, distributionibus, seu illorum loco fructus, redditus, proventus, jura, obventiones, & emolumenta hujusmodi, etiam usque ad summam predictam uni, vel pluribus aliis personis, etiam per eosdem Cappellanos, & eorum singulos nominandis, etiam quacumque, quodcumque, & quacumque beneficia Ecclesiastica obtinentibus, expectantibus, seu Clericali characteri insigniri volentibus, similiter eis quoad vixerint, vel eorum legitimis Procuratoribus, eisdem modo, & forma, quibus eisdem Cappellanis assignata, aut reservari, seu assignari concessa, seu concessa fuerint, etiam absque consensu eisdem pensionesolvere debentium, ac pensiones, & fructus, redditus, proventus, jura, obventiones, ac distributiones, & emolumenta hujusmodi, etiam pluries cassare, & de novo assignata fuerint, usque ad summam, & quantitatem predictam ac alias cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & poenis in prioribus reservationibus hujusmodi concessis, & contentis integre persolvendas reservare, constituere, & assignare.

Privilegia se-  
quuntur.

§.9. Necnon, ut iidem Cappellani, & eorum quilibet de omnibus, & singulis domibus, praediis, possessionibus, Terris, & locis etiam jurisdictionalibus, ceterisque bonis immobilibus, & mobilibus, quae tamen non sint Altaris, vel Altarium Ecclesiarum ipsis Cappellanis nostris praed. commissarum ministerio, seu alicui speciali eorundem Ecclesiarum divino cultui, vel

usui deputata, seque moventibus, cujuscumque qualitatis, quantitatis, valoris, speciei, pretii, & conditionis existentibus, ac juribus, & actionibus ad eos ratione Ecclesiarum etiam Cathedralium, & Metropolitanarum, Monasteriorum, Prioratum, Praepositarum, dignitatum, & aliorum quorumcumque beneficiorum Ecclesiasticorum, cum cura, & sine cura, secularium, & quorumvis Ordinum Regularium, quae ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinuerint, & obtinent, & obtinebunt, ac fructuum, reddituum, & proventuum Ecclesiasticorum loco pensionum annuarum, pensionumque annuarum super similibus fructibus, redditibus, & proventibus eis reservatorum, & assignatarum, & reservandorum, & assignandarum, quos, & quas perceperint, percipiunt, & percipient in futurum, necnon emolumentorum quorumcumque Romanae Curiae officiorum, ac alias quomodolibet spectantibus, & pertinentibus, ac etiam de dictis fructibus, redditibus, proventibus, & pensionibus annuis, necnon eorum industria, & labore quomodolibet, & undecumque, tacite tamen acquisitis, & acquirendis, ac alias etiam de muneribus, & officiis, quae exercuerint, ac eos exercere contigerit, & alia quavis occasione, vel causa, seu contemplatione ad eosdem perventis, & perventuris, etiam in pecunia numerata, ac jocalibus, gemmis, aliisque pretiosioribus rebus consistant, tam in dicta Curia, quam extra eam ubique locorum, etiam penes beneficia ipsa existentibus, quorum omnium qualitates, & veros etiam annuos valores, etiam si talia forent, quae in generali appellatione honorum, vel suppellectilium non venirent, sed specialibus indigerent vocabulis, praesentibus, ac si specificis, & sigillatim exprimerentur, ac denotarentur, pro sufficienter expressis, & declaratis haberi volumus, ac etiam de ipsis proventibus, ac pensionibus debitis, ac debendis, ac nondum perceptis, & exactis, etiam si eorum solutionis, aut perceptionis terminus nondum advenerit pro illa rata, quae illis debita erit, Constitutione declaratoria super fructibus, & pecuniis non exactis, quae forsitan ad Successores in ipsis beneficiis spectare, & pertinere deberent, non obstante, etiam ac cumulative cum quibusvis aliis similibus, vel dissimilibus facultatibus habitis, & habendis, usque ad summam ducentorum ducatorum auri similibus dumtaxat, tam pro decentibus, & honestis impensis funebribus, quam etiam pro remuneratione illorum, qui eis viventibus servierint, etiam ultra servitii meritum, ac in ipsorum consanguineorum, & affinium, ac quorumcumque piorum locorum favorem, & usum, ac alias pro eorum arbitrio, & voluntate absolutis, testari, ac testamento, codicillis, fideicommissis, legatis, donationibus, tam inter vivos, quam causa mortis, ac aliis quib-

buscumque modis, & titulis, scripturae etiam minus solemnii, etiam coram duobus, vel tribus testibus, aut etiam cedula sola eorum manuscripta, vel subscripta, ac alias in omnibus, & per omnia, prout, & quemadmodum eis videbitur, etiam in ipsa Curia, non tamen extra residentiam, & in mortis articulo, nulla facta mentione praesentis, vel aliarum eis pro tempore concessarum similibus facultatum, aut quod in vim illarum testari, seu disponere velint, & intendant semel, atque iterum, & pluries disponere, statuere, & ordinare, ita ut quidquid testatum, gestum, ordinatum, seu alias ab ipsis dispositum fuerit, etiam in vim simplicis distributionis, ac alias omni meliori modo valeat, & servari omnino debeat, ipsaque testamenta, codicillos, dispositiones, ordinationes, donationes, legata, & statuta, etiam pluries, & toties quoties eis videbitur, moderari, limitare, ac etiam in totum revocare, & alia de novo edere, etiam libere, & licite valeant, plenam, & liberam concedimus facultatem. Statuentes nihilominus, & ordinantes, eisque pariter indulgentes, quod si contigerit ipsos ab intestato, & sine ulla, vel minus valida bonorum, & rerum, ac fructuum, reddituum, & proventuum praedictorum dispositione, in dicta Curia, vel extra eam, ac etiam sub beneficia, aut alia loca debite ab eis residentie personalis etiam nulla subsistente causa ab humanis decedere, omnia, & singula eorum bona res, & jura, etiam, ut praesertur qualificata, necnon spolia pro dicta summa etiam ex praedictis, & alias undecumque provenientia ad Camera Apostolicam, seu in dictis beneficiis Successores non pertineant, sed ad haeredes sanguinis eorundem integre deveniant, & illis deficientibus, inter eorum familiares arbitrio personae, seu personarum, quas ad id ipsi scripto nominaverint, distribuantur, nisi de illa dispositione, vel intentione eorundem scriptura etiam minus solemnii fecerit appareret, quam tunc velut efficacem ipsae personae, vel alii Judices, seu Executores omnino exequi, & adimplere, illisque sese conformare in omnibus, & per omnia debeant.

Defectus sup-  
plet.

§.11. Et nihilominus quacumque hujusmodi Testamenta, donationes, legata, dispositiones, & alia forsitan alias ab ipsis, etiam nulla, aut minus sufficienti facultate suffulta, de hujusmodi bonis, juribus, actionibus, fructibus, pecuniis, jocalibus, aliisque rebus supradictis, etiam in favorem consanguineorum, & affinium praedictorum, ac alias quomodolibet facta, cum omnibus inde sequutis, ac etiam ea quae per ipsos in futurum quomodolibet fient, ex nunc prout ex tunc, & e contra pro dicta summa ducentorum ducatorum dumtaxat approbamus, & confirmamus, omnesque, & singulos juris, & facti, ac solemnitate omittimus, & omittendarum, necnon substantiales, aliosque defectus quoscumque, si qui intervenerint in eisdem etiam si tales sint, vel fuerint, quod spe-

Bull. Rom. Tom. VI. Par. III.

cialis specifica de ipsis mentio habenda esset, supplemus.

Contraria  
renovet.

§.12. Non obstantibus praemissis, ac Lateranensis Concilii etiam novissimo celebrati, etiam de certo Notariorum numero, etiam si ad illum nondum devenit fuerit, cui per hoc alias derogatum non intendimus, ac de consensu praestando in pensionibus, & quibusvis aliis etiam per Nos, & Sedem praedictam quomodolibet editis, & in posterum edendis Cancellariae praedictae regulis, ac stylo in similibus hactenus servato, & pie memoriae Alexandri Papae VI. etiam Praedecessoris nostri tertiam partem bonorum Ecclesiasticorum Camera praedictae deberi inter alia disponente, necnon ejusdem mem. Bonifacii Praedecessoris, per quam concessionem de fructibus in absentia percipiendis sine praesentatione temporis fieri prohibentur, ac quorumvis aliorum Romanorum Pontificum, etiam Praedecessorum nostrorum, & quibusvis aliis Apostolicis, ac in Provincialibus Conciliis editis specialibus, vel generalibus Constitutionibus, & Ordinationibus, necnon legibus Imperialibus, & aliis etiam municipalibus, tam Urbis, quam quarumvis aliarum Civitatum, & locorum, etiam in quibus Cives originarii creati sunt, ac quarumvis Ecclesiarum, Monasteriorum, Ordinum, & Hospitalis praedicti, necnon quorumvis Collegiorum, & officiorum dictae Curiae, ac Regnorum, Provincialium, & Urbis, ac aliarum Civitatum, & Locorum, ac praedictae Camerae, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis Literis Apostolicis contra ea, nec etiam ab alio, vel aliis impetratis, aut aliis quomodolibet concessis utendo, ipsi Capellani per se, vel eorum Procuratores praestiterint forsitan hactenus, vel in posterum eos praestare contigerit juramentum, privilegiis quoque, indultis, & Literis Apostolicis dictis Ecclesiis, Monasteriis, Ordinibus, & Hospitali Sancti Joannis Hierosolymitani, illorumque Praefulibus, seu Administratoribus, & Superioribus, ac Magistris, Praeceptoribus, Prioribus, Militibus etiam antianis, Capitulis, & Conventibus, Civitatibus, & locis, aliisque personis, & particularibus; necnon Archiepiscopis, Episcopis, & aliis locorum Ordinariis, etiam ejusdem Sanctae Romanae Ecclesiae Cardinalibus, ac dictae Curiae Officialibus, illorumque Collegiis, sub quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis per quoscumque Romanos Pontifices Praedecessores nostros, ac etiam Nos, & Sedem praedictam, etiam consistorialiter, & de ejusdem Sanctae Romanae Ecclesiae Cardinalium consilio, ac per modum statuti, & Constitutionis perpetuorum, ac motu, &

O

scien-



scientia paribus, deque Apostolica potestatis plenitudine ad Imperatoris, ac Regum, & Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, aut aliis quomodolibet etiam iteratis vicibus concessis, confirmatis, & innovatis, & in posterum concedendis, confirmandis, & innovandis, etiam in iis, ac statutis, & stabilimentis predictis caveatur expresse, vel tacite, quod Urbis non nisi originariis Civibus Romanis, ac Civium eorundem filii, aliarum vero Partium Beneficia, nisi per personas illustres, seu Nobiles, ac etiam originarios Cives, aut aliis certo modo in illis expresse qualificatos obtineri, aut conferri possint, & nullus in Civem Urbis, aut Civitatum, Oppidorum, Terrarum, & Locorum huiusmodi admitti, seu illorum privilegii, uti possit, nisi prius in dictis Civitatibus, Oppidis, Terris, & Locis per certum tempus habitaverit, seu etiam in illis bona etiam stabilia forsitan ad certum valorem ascendente possideat, quodque Praeceptorum, & alia Beneficia quaecumque dicti Hospitalis Sancti Joannis Hierosolymitani, tam ex ejus institutione, quam ex stabilimentorum predictorum dispositione, non in titulum perpetuorum Beneficiorum conferri, sed in commendam ad vitam concedendorum revocabiliter concedi debeant, & sic pensionibus, clericis secularibus, aut aliis personis Apostolica auctoritate reservandis gravari non possint, quodque stabilimentis, & privilegiis predictis etiam vigore causae implicitae derogationis latissime extendendis, etiam per quascumque Literas Apostolicas, & quavis etiam derogatoriis derogatorias, efficaciores, & insolitas clausulas derogari non possint, nec derogatum censeatur, nisi derogatio huiusmodi de consilio dictorum Cardinalium fiat, & tum demum ad id Magistrum, & Conventum predictorum expresse accedat assensus, sintque literae derogationis huiusmodi etiam per dictum Magistrum subscriptae, ac eis, & predicto Conventui per diversas in forma Brevis, aut alias literas diversis temporibus cum certis intervallis presentatas intimatae, & non alias, nec alio modo, & semper in huiusmodi literis sic sunt, etiam de simili consilio derogationis sit apposita clausula, quod illarum effectum fortiantur de consensu Magistrum, & Conventum predictorum & non alias, aliter, nec alio modo. Quibus omnibus, & eorum singulis, etiam pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio ad hoc servanda foret, & in eis caveatur expresse, quod illis nullatenus derogari possint, quodque clausula implicitae derogationis in rescripto etiam motu proprio emanato apposita aliter in literis exprimi, vel extendi nequeat, illorum

omnium tenores presentibus pro sufficienter expressis, ac de verbo ad verbum insertis habentes, hac vice dumtaxat harum serie in genere, & in specie ad effectum praemissorum sufficienter, & expresse, motu, & scientia similibus derogamus, ac derogatum esse decernimus, ceterisque contrariis quibuscumque.

§.13. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae alicujus in dignitate Ecclesiastica constitutae munitis, eadem prorsus fides in iudicio, & extra adhibeatur, quae praesentibus ipsis adhiberetur, si forent exhibitae, vel ostensa.

§.14. Quodque ante quam gratia Notariatus perfici valeant, in manibus alicujus personae in dignitate Ecclesiastica constitutae professionem fidei juxta articulos primum a Sede praedicta propositos emittent, & solitum fidelitatis iuramentum omnino praestare teneantur.

Datum Romae apud S. Mariam Majorem sub Annulo Piscatoris, die 18. Januarii 1647. Pont. nostri Anno III.

Transumptis credi jubet.

Juramenta praestare debent.

Dat. die 18. Jan. 1647. An. III.

LXXIV.

Summarium Literarum in forma Brevis. Insuper Urbani VIII. Literas incipientes: Exponi Nobis nuper fecit. Confirmatque Decretum Sacrae Congregationis Cardinalium super negotiis Regularium praepositorum, in quo Fratrum Discalceatis Ordinis S. Mariae de Mercede super Ministerio Redemptionis Captivorum, ac jure querendi, eademque causa elemosynas colligendi, acceptandique donationes, & legata quaecumque, ac Superioris Generalis electione, independenter a Reverendissimo dicti Ordinis Magistro Generali faciendi, minime concedendam esse audientiam, conceditur.

INNOCENTIUS PAPA X. Ad futuram rei memoriam.

§.1. Alias a fel. rec. Urbano Papa VIII. Praedecessore nostro emanarunt literae tenoris sequentis, videlicet: Urbanus Papa VIII. Ad futuram rei memoriam. Exponi Nobis nuper fecit dilectus filius Jo: Perez de Munebrega, &c.

§.2. Cum autem, sicut dilectus filius Ignatius Vindondo Procurator Generalis eorundem Fratrum Calceatorum Nobis nuper exponi fecit, habito ad Nos sub ipso Pontificatus nostri principio ab eisdem Fratribus Discalceatis recursum, ut de novo super praemissis audirentur, petitoque insuper sibi concedi facultatem eorum, & dictae Congregationis Superiorum Generalium penitus, & omnino independenter a dictis Fratribus Calceatis eligendi: Et negotio huiusmodi per Nos remisso ad eorundem Venerabiles Fratres nostros ejusdem Sanctae Romanae Ecclesiae Cardinales negotiis, & consultationibus Episcoporum, & Regularium praepositos, & tandem partibus

PP. Calceatorum Supplicatio.

bus praefatis hinc inde jussu nostro in Congregatione eorundem Cardinalium auditis, illarumque juribus accurate discussis, iidem Cardinales, ut aliquando omne litis fomentum, vel incentivum ex parte eorundem Fratrum Discalceatorum de, & super Ministerio Redemptionis Captivorum, necnon jure querendi, colligendique eadem causa elemosynas, acceptandique donationes, & legata quaecumque, ab ipsis independenter a pro tempore existente Magistro Generali eorundem Fratrum Calceatorum faciendi, & respective exigendi cessaret, ad relationem dilecti filii nostri Joannis Baptistae tituli S. Sylvestri de Capite Presbyteri Cardinalis Paleotti nuncupati, Fratribus Discalceatis huiusmodi super praemissis non esse dandam novam audientiam decreverunt. Praemissa vero quo firmiter subsistant, & exactius observentur, idem Ignatius Procurator Generalis Apostolicae nostrae confirmationis patrocinio communiti summopere desideret.

§.2. Idcirco Nos eundem Ignatium. Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, alisque Ecclesiasticis sententiis, censuris, & poenis a jure, vel ab homine quavis occasione, vel causa litis, si quibus quomodolibet innodatus existat, ad effectum praesentium dumtaxat consequendum, harum serie absolventes, & absolutum fore censentes, supplicationibus illius nomine nobis super hoc humiliter porrectis inclinatis, decretum praefatum, Apostolica auctoritate, tenore praesentium confirmamus, & approbamus, illique inviolabilis Apostolicae firmitatis vim, & robur adiciamus, ac omnes, & singulos tam juris, quam facti defectus, si qui de super quomodolibet intervenerint, supplementis, salva tamen semper auctoritate Congregationis eorundem Cardinalium: Decernentes illud, necnon praesentes literas validas, firmae, & efficaciae existere, & fore, suoque plenarias, & integros effectus sortiri, & obtinere, & ab omnibus, & singulis, quos illa concernunt, & quomodolibet in futurum concernent, inviolabiliter, & inconcussae observari.

§.3. Sicque per quoscumque Judices ordinarios, & delegatos, etiam Causarum Palatii Apostolici Auditores, ac S. R. E. Cardinales etiam de latere Legatos, ac Sedis Apostolicae Nuntios, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si quid secus super his a quoquam quavis auctoritate scienter, vel ignoranter contigerit attentari.

§.4. Non obstantibus Constitutionibus, & Ordinationibus Apostolicis, ac dictae Congregationis eorundem Fratrum Discalceatorum haecenus editis, & edendis, ac circa Ministerium Redemptionis huiusmodi quoquo modo disponentibus statutis, Bull. Rom. Tom. VI. Par. III.

constitutionibus, & consuetudinibus, necnon omnibus, & singulis illis, quae iidem Gregorius, & Urbanus Praedecessores in suis literis predictis voluerunt non obstante, ceterisque contrariis quibuscumque.

§.4. Volumus autem, ut praesentium transumptis, etiam impressis, manu &c. Datum Romae apud S. Mariam Majorem sub Annulo Piscatoris, die 5. Martii 1647. Pont. nostri Anno III.

LXXV.

Confirmatio Resolutionis Congregationis Cardinalium, & Praelatorum a Sanctissimo deputatae in negotio controverso inter Monachos antiquae, seu communis observantiae, & Monachos abstinentes Ordinis Cisterciensis circa electionem Abbatis Generalis, aliorumque Abbatum, & Officialium, ac esum carniium, & Novitiorum receptionem.

INNOCENTIUS PAPA X. Ad perpetuam rei memoriam.

Salvatoris, & Domini nostri Jesu Christi, qui charitas est, & Deus pacis, vires meritis licet imparibus gerentes in terris sinceram animorum concordiam inter Christianos quoslibet praesertim Altissimo sub suavi religionis jugo famulantes confovere studemus, & quae pro sopiendis litibus, & controversis inter eos ortis facta fuerunt, ne in recidivae contentiosis scrupulum relabantur libenter, Apostolicae confirmationis robore communitus, prout consuevimus in Domino salubriter expedire.

§.1. Cum itaque vertentibus alias inter dilectos filios Abbates, & Monachos antiquos, seu communis observantiae ex una, & Vicarium Generalem, & Abbates, Monachosque strictae observantiae, seu abstinentes nuncupatos Ordinis Cisterciensis partibus ex altera, quibusdam controversis circa reformationem dicti Ordinis Judices desuper a Sede Apostolica delegati per suam definitivam sententiam inter alia, ut asseritur praedictis antiquis, seu communis observantiae Monachis vocem activam dumtaxat in electionibus Abbatum Cistercii capitis ejusdem Ordinis Cabilonen. Diocesis. competere decreverint, ac quaedam circa esum carniium in eodem Ordine a centum, & amplius annis, etiam ex privilegio Apostolico receptum, ac etiam circa receptionem Novitiorum immutaverint, & propterea praedictorum antiquorum, seu communis observantiae Monachorum se inde gravatos praetendentium nomine habito ad Nos recursum, negotioque nonnullis S. R. E. Cardinalibus, & Romanae Curiae Praelatis per Nos commisso; Tandem dilectus filius Attilius Petra Sancta Abbas Monasterii Sanctae Crucis in Hierusalem de Urbe, dicti Ordinis ab utraque parte Procurator, specialiter pro componendo juxta mentem, & voluntatem nostram negotio huiusmodi, acquirerit

Transumptorum fides.

Dat. die 5. Martii 1647. An. III.

Ex Regest. in Secret. Breu.

Exordium.

Motiva hujus confirmationis.



1647. resolutioni, seu determinationi per Cardinales, & Praelatos praedictos in eodem negotio facta; videlicet; Quod circa electionem Abbatis Generalis, aliorumque Abbatum, & Officialium dicti Ordinis, ac esum carnum; & receptionem Novitiorum servetur, prout ante sententiam per dictos Judices latam, juxta ejusdem Ordinis Constitutiones etiam Apostolicas, servabatur.

§.2. Nos inviolabili resolutionis, seu determinationis hujusmodi per dictum Attilium nomine ambarum partium acceptata, firmitati, quantum cum Domino possumus, consulere volentes, & singulares dictorum Monachorum personas, a quibusvis excommunicationis, suspensionis, & interdicti, aliisque ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt, ad effectum praesentium dumtaxat consequendum harum serie absolventes, & absolutas fore censentes, supplicationibus dicti Attilii Nobis desuper humiliter porrectis inclinatis, resolutionem, seu determinationem praedictam, Apostolica auctoritate, tenore praesentium perpetuo confirmamus, & approbamus, ac illis inviolabilis Apostolicae firmitatis robur adiciamus, omnesque, & singulos tam juris, quam facti defectus, si qui desuper quomodolibet intervenerint, supplemus, ac ab utraque dictarum partium perpetuo inviolabiliter observari mandamus.

§.3. Sicque, & non aliter in praemissis per quoscumque Judices ordinarios, & delegatos etiam causarum Palatii Apostolici Auditores, ac ejusdem S.R.E. Card. etiam de latere Legatos judicari, & definiti debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§.3. Non obstant. quacumque lris pendencia, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Annulo Piscatoris, die prima Februarii 1647. Pontificatus nostri Anno Tertio.

A censuris absolvit.

Confirmat prout in Rubrica.

Contraria tollit.

Dat. die 1. Febr. 1647. An. III.

LXXVI. Quod in Ordine Fratrum Eremitarum Sancti Augustini duo, vel plures in primo, vel secundo gradu consanguinei, vel affines nullatenus simul conveniant, & votare possint in Capitulis, aut Congregationibus Capitularibus, & multo minus Definitorium simul ingredi.

Istius Ordinis materiam habes ad Const. 280. Alias per. Urbani Octavi VIII. Tom. VI. Par. I. fol. 143.

INNOCENTIUS PAPA X. Ad futuram rei memoriam.

Injuncti Nobis a Domino Pastoralis officii ratio postulat, ut his, quae pro felici statu, & regimine Ordinum Regularium in Militante Ecclesia pie institutorum statuta fuerunt, quo exactius serventur, Apostolici muniminis adiciamus firmitatem, prout conspiciamus in Domino salubriter expedire. Exponi siquidem Nobis nuper fecit Dilectus filius Salvator Severinus de Fabiano Camerinenis Diocesis, Procurator Generalis Fratrum Eremitarum Ordinis S. Augustini, quod quondam Andreas Fivizanus Ordinis praedicti dum viveret Prior Generalis, pro felici ejusdem Ordinis gubernio inter caetera edidit Decretum tenoris sequentis, videlicet.

§.1. Postremo Religiosam eligentium libertatem foventes, simulantes, humanasque relationes dissecantes, Religionis beneficium prosequentes, & ad nostras electiones transferentes: Decernimus, ut deinceps in Capitulis nostris Pontificalibus, aut Congregationibus, duos, vel plures in primo, vel secundo gradu consanguinei, vel affines nullatenus simul conveniant, & votare possint, & multo minus Definitorium simul ingredi, & concurrente etiam ad tertium gradum eodem biennio, vel triennio valeant, nec tales in praedictis gradibus primo, & secundo conjuncti, si fuerint Sacerdotes vocem habentes, in eodem Monasterio conventualiter degere possint, nisi communi Patrum Definitorii consensu per vota secreta accedente, scilicet in evidentibus casibus inevitabilis necessitatis: tum vero ille, cum quo fuerit dispensandum toto dicto tempore intercedente, in eo Conventu voce passiva omnino careat, & activam in illis tantum electionibus, aut propositionibus habeat, in quibus talis ejus consanguineus non votaverit: quando autem duo, vel plures hujusmodi consanguinei, vel affines casu aliquo votum haberent, ille tantum, qui ratione officii digniorem locum haberit, ad Capitulum accedat, caeteri vero non accedant, nec accedere permittantur. Ac si contingat, quod multi non ratione officii, sed legis, & privilegii concurrant, tunc professione antiquior, si voluerit, votare poterit. Et infra: Quare omnes electiones deinceps contra haec nostras ordinationes factas, nullas, irritas, ac invalidas

Exordium.

Supplicatio.

Statutum.

das esse decernimus, & declaramus, quibuscumque, in contrarium non obstantibus.

§.2. Cum autem, sicut eadem expositio subjungebat, licet Decretum praedictum alias a fel. rec. Clemente Papa Octavo Praedecessore nostro per suas in simili forma Brevis literas confirmatum, executioni quae demandatum fuerit, nihilominus, quia successu temporis observantia ejusdem Decreti in aliquibus ex Provinciis dicti Ordinis variis sub pretextibus, etiam non usis, omissa, seu neglecta fuit: experientia vero doceat, ex desuetudine Decreti hujusmodi perturbationes praesertim in Electionibus Superiorum, & regimine Domorum Regularium ejusdem Ordinis maxime vigere, Nobis propterea dictus Salvator Procurator Generalis humiliter supplicari fecit, ut in praemissis opportune providere de benignitate Apostolica dignaremur.

§.3. Nos ejusdem Salvatoris Procuratoris Generalis votis hujusmodi annuere volentes, ipsamque a quibusvis excommunicationis, suspensionis, & interdicti, aliisque ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinatis, de Venerabilium fratrum nostrorum Sanctae Romanae Ecclesiae Cardinalium negotiis, & consultationibus Episcoporum, & Regularium Praepositorum consilio, praesertim dicti quondam Andreae Fivizani Prioris Generalis Decretum, Apostolica auctoritate, tenore praesentium perpetuo approbamus, & confirmamus, illique perpetuo, & inviolabilis Apostolicae firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus, dictumque decretum in toto ordine praedicto, & ubique terrarum servari sub poenis in eodem Decreto contentis, mandamus, salva semper auctoritate Congregationis dictorum Cardinalium; sicque per quoscumque Judices ordinarios, & delegatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, quicquid fecerit super his a quoquam quavis auctoritate scienter, vel ignoranter contigerit attentari, decernimus, & declaramus.

§.4. Non obstantibus Constitutionibus, & Ordinationibus Apostolicis, ac aliis ejusdem Ordinis, etiam juramento, confirmatione Apostolica, vel quavis firmitate alia roboratis statutis, consuetudinibus, caeterisque contrariis quibuscumque.

§.5. Volumus autem, ut praesentium transumptis etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus ubique fides

A censuris absolvit.

Confirmat decretum prout in Rubrica.

Contraria derogat.

Transumptis citari jubet.

adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris, die vigesima tertia Februarii 1647. Pontificatus nostri Anno III.

LXXVII. Quod in Congregatione Cassinensi Ordinis Sancti Benedicti ad Officium Cellerariatus, Decani tantum promoveantur.

De istorum Monachorum materia lege, quae notavi ad Constitut. 571. Alias. Tom. VI. Par. II. fol. 140.

INNOCENTIUS PAPA X. Ad futuram rei memoriam.

In his Apostolicae nostrae sollicitudinis partes libenter interponimus, per quae Religiosorum Ordinum quorumlibet felici statui opportune consulitur. Exponi siquidem Nobis nuper fecit dilectus filius Ludovicus Balbus Procurator Generalis Congregationis Cassinensis Ordinis Sancti Benedicti, quod in Constitutionibus ejusdem Congregationis Apostolica auctoritate confirmatis cautum reperitur, ut in Cellerarios Monasteriorum dictae Congregationis nulli omnino praeter Decanos eligantur.

§.1. Cum autem, sicut eadem expositio subjungebat, per abusum in eadem Congregatione introductum, administrationes Officiorum Cellerariatum hujusmodi simplicibus Sacerdotibus, qui non sint Decani, sub titulo, & nomine oeconomiae committi consueverint, quod directe Constitutionibus praefatis, & solito ejusdem Congregationis repugnat, & ex quo graves perturbationes, & incommoda in eadem Congregatione provenire possunt. Nobis propterea idem Ludovicus Procurator Gen. humiliter supplicari fecit, ut in praemissis opportune providere de benignitate Apostolica dignaremur.

§.2. Nos igitur eundem Ludovicum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinatis, de Venerabilium Fratrum nostrorum Sanctae Romanae Ecclesiae Cardinalium negotiis, & consultationibus Episcoporum, & Regularium Praepositorum consilio, ut in posterum ad officium Cellerariatus Decani tantum promoveantur ad praescriptum praefatarum Constitutionum ejusdem Congregationis Cassinensis, Apostolica auctoritate, tenore praesentium statuimus, & ordinamus, salva tamen semper auctoritate

Dat. die 23. Febr. 1647. An. III.

Procedimus.

Confirmat prout in Rubrica.



tate Congreg. eorumdem Cardinalium. Decernentes quascumque electiones quorumcumque aliorum, quam ipsorum Decanorum ad officia Cellerariatum huiusmodi de cetero quancumque, & quomodocumque alias, quam iuxta presentium literarum formam, & tenorem faciendas, nullas, irritas, & inanes fore, & esse, neminique suffragari posse, ac ipsas presentes literas validas, firmas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis, quos illa concernunt, & concernent in futurum, inviolabiliter, & inconculse observari. Sicque per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§.3. Non obstantibus Constitutionibus, & Ordinationibus Apostolicis, ac dicta Congregationis, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis habentes, illis alias in suo robore permanentibus, ad præmissorum effectum specialiter, & expresse derogamus, ceterisque contrariis quibuscumque.

Transumptis credi patet.

§.4. Volumus autem, ut presentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ adhiberetur presentibus, si forent exhibitæ, vel ostense.

Data die 19. Martii 1647. An. III.

Datum Romæ apud Sanctam Mariam, Majorem sub Annulo Piscatoris, die decima quinta Martii 1647. Pontificatus nostri Anno III.

LXXVIII.

Ex Reg. in Secret. Brev.

Commissio Nuncio apud Imperatorem ad Fabrican. Processum contra Electum Tinnen. & ejus Familiares.

Dilecto filio nostro, & Apostolica Sedis ad Charissimum in Christo filium nostrum Ferdinandum Romanorum Regem Illustrissimum Imperatorem electum Nuncio.

INNOCENTIUS PAPA X.

Dilecte fili salutem, & apostolicam benedictionem.

Causæ hujus commissionis.

§.1. CUM sicut accepimus dilectus filius Georgius de Bosna Ordinis Fratrum Minorum S. Francisci de Observantia nuncupat. professor electus Tinnen.

fabricationis monete falsæ insimulet. Nos delictum huiusmodi, quatenus idem Georgius illius culpabilis reperitur nequaquam impunitum remanere, idque diligenter cognosci, & processum desuper confici volentes; Tibi per presentes committimus, & mandamus, ut de præmissis diligentem cognitionem capias, & tam contra eundem Georgium, quam contra ejus socium, & duos illius familiares procedas, & processum, seu processus fabricas, & conficias, exactamque facti instructionem, & informationem sumas, aliaque desuper necessaria, & quomodolibet opportuna facias, geras, mandes, & exequaris usque ad sententiam definitivam exclusive.

Concesso faciendi processus.

§.2. Nos enim tibi eundem Georgium, concurrentibus tamen contra eum legitimis iudiciis, in aliquo Monasterio dicti Ordinis, vel alio loco tibi benevisso, bene, & diligenter custoditum retinendi, seu retineri, & detineri faciendi plenam, & amplam facultatem Apostolica auctoritate eorumdem tenore presentium concedimus, absque eo, quod ob præmissa ullam censuram Ecclesiasticam, aut irregularitatis notam incurras. Quod si quid etiam ea in re contra dictum Georgium, & alios prædictos resultabit, volumus, ut informationes, & processus, quos desuper vigore presentium ceperis, & fabricaveris in forma authentica sub tuo sigillo clausas, & clausos ad Nos tuto transmittas, ut quod in præmissis statuendum fuerit, matura adhibita deliberatione, decernamus.

Derogat contrariis.

§.3. Non obstant. fe. re. Bonifacii Papæ V. Prædecessoris nostri de una, & Concilii Generalis de duabus dietis, aliisque Apostolicis etiam in aliis Conciliis Universalibus editis generalibus, vel specialibus Constitutionibus, & Ordinationibus, ac quatenus opus sit dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 23. Martii 1647. Pont. nostri Anno III.

Data die 23. Martii 1647. An. III.

LXXIX.

Confirmatio Decreti trium Statuum Regni Valentia circa manutationem mille, & ducentorum militum.

Ex Reg. in Secret. Brev.

Charissimo in Christo filio nostro Philippo Hispaniarum Regi Catholico.

IN-

INNOCENTIUS PAPA X.  
Carissime in Christo fili noster salutem, & apostolicam benedictionem.

Petitionis motiva.

Majestatis tuæ nomine Nobis nuper expositum fuit, quod tria stabilimenta, seu tres Status Ecclesiasticos, videlicet, militaris, & Regalis Regni Valentia in eorum Parlamento, seu comitiis generalibus una congregati de anno 1645. nuper elapso provide considerantes ejusdem Regni bellis, quæ in ejus finibus geruntur obnoxii, necessitates, & pericula inde illi impendentia, pro ejusdem majestatis tuæ servitio, mille, & ducentos milites pro sex futuris ex tunc proxime tuorum in illis partibus exercituum in expeditionem educationibus, sumptibus suis manuteneant decreverunt, dummodo quoad ratam personarum Ecclesiasticarum tangentem, nostra, & hujus Sanctæ Sedis licentia accedat.

Supplicationibus annuit.

§.1. Cum autem, sicut eadem expositio subijungebat, hac in re de communi, tam Ecclesiasticorum, quam Laicorum salute, & incolumitate agatur, evidensque urgeat necessitas, & Laicorum facultates præteritis, bellis exhaustæ, manutentioni militum huiusmodi non sufficient, Nobis propterea ejusdem majestatis tuæ nomine fuit humiliter supplicatum, ut in præmissis auctoritatem nostram interponere de benignitate Apostolica dignaremur.

A censuris absolvit.

§.2. Nos igitur majestatem tuam, eximii ejus in Nos, & Sedem prædictam ita exigentibus meritis specialis favore gratia proficere volentes, huiusmodi supplicationibus inclinati, decretum dictorum trium stabilimentorum, seu statuum circa præmissam manutationem mille, & ducentorum militum huiusmodi etiam quoad ratam personarum Ecclesiasticarum ea in re tangentem, & in dictis Comitiis oblatam, Apostolica auctoritate, tenore presentium confirmamus, & approbamus, ipsisque personis Ecclesiasticis Regni prædicti, ut ratam huiusmodi persolvere, ac tua majestas, seu ministri tui illam petere, exigere, recipere, & levare absque conscientia seu censurarum, & poenarum Ecclesiasticarum incurfu libere, & licite valeant concedimus, & indulgemus, necnon easdem personas Ecclesiasticas, quatenus ipsi ratam huiusmodi jam solverint, ac eandem majestatem tuam, & tuos ministros prædictos si eandem ratam jam receperint, ab omnibus, & singulis censuris, & poenis per eos propterea quomodolibet incurfis ad cautelam absolvimus, & absolutos fore censemus, & declaramus, Tibique omne id, quod a prædictis personis Ecclesiasticis ratione dictæ Ratæ hætenus exactum & perceptum fuit gratiose condonamus.

Derogatio contrariorum.

§.3. Ceterum volumus, ut exactio ratæ huiusmodi per personas etiam Ecclesiasticas a stabilimento, seu Statu Ecclesiastico prædicto deputandas, non autem per seculares fiat.

Derogatio contrariorum.

§.4. Non obstant. Apostolicis, ac in Universalibus, Provincialibusque, & Sy-

nodalibus Conciliis editis generalibus, vel specialibus Constitutionibus, & Ordinationibus, ac quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Data die 10. Martii 1647. An. III.

Datum Romæ apud S. Mariam Majorem sub Annulo Piscatoris die 30. Mar. 1647. Pontificatus nostri Anno III.

LXXX.

Innovatio super prohibitione transitus Fratrum Discalceatorum Ordinis Beate Mariæ de Mercede Redemptionis Captivorum ad Fratres Calceatos ejusdem Ordinis.

INNOCENTIUS PAPA X.

Ad futuram rei memoriam.

CUM, sicut nomine dilecti filii Joannis à Regibus Procuratoris Generalis Fratrum Discalceatorum Ordinis Beate Mariæ de Mercede Redemptionis Captivorum Nobis nuper expositum fuit, quod dilectus pariter filius Joannes Suarez à Sancto Basilio in dicto Ordine alias expresse professus ad Fratres Calceatos ejusdem Ordinis transierit absq. Sedis Apostolicæ licentia, & contra formam quarumdem in simili forma Brevis literarum à fel. record. Urbano Papa VIII. Prædecessore nostro sub die 29. Januarii 1628. emanatarum, quibus inter alia decretum fuit, ut ex tunc de cetero perpetuis futuris temporibus nulli prædictorum Fratrum Reformatorum, seu Discalceatorum huiusmodi absque speciali dictæ Sedis licentia ad eosdem Fratres Calceatos quavis ex causa, sub apostasiæ, & infamiæ perpetuæ notæ, necnon excommunicationis, & privationis vocis activæ, & passivæ poenis transire, minuse Fratribus Calceatis prædictis, illorumque Superioribus eosdem fratres Reformatos, seu Discalceatos de facto transientes, etiam si novam possessionem Regularem emisissent, sub privationis suorum officiorum, ac excommunicationis similiter poenis recipere, vel retinere ullo modo liceret, & alias prout in eisdem Urbani prædecessoris literis, quarum tenores presentibus pro expressis haberi volumus, uberius continetur: Proindeque dictus Joannes Procurator Generalis quemcumque transitum eorumdem Fratrum Discalceatorum ad dictos Calceatos absque beneplacito Apostolico factum, nullum, & irri-

Motiva hujus innovationis.